

INUIT ATAQATIGIIT

Inatsisartuni



09.05.2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Ullumikkut Nunatsinni tarnip pissusiinik ilisimasallit ilinniarsimasut qanoq amerlatigippat?**
 - a) Qanoq amerlatigisut nunaqavissuuppat/kalaallisut oqalussinnaappat?
 - b) Qanoq amerlatigisut Nunatta avataaneersuuppat?
- 2. Nunatsinni tarnip pissusiinik ilisimasallit suliassaqarfinni assigiinngitsuni sorlarni atorfeqarpat?**
 - a) Kommunini?
 - b) Namminersorlutik Oqartussani?
 - c) Namminersortuni?
- 3. Nunatsinni tarnip pissusiinik ilisimasalinnik qanoq annertutigisumik pisariaqartitsisoqarnerseq Naalakkersuisut nassuiaateqarsinnaappat?**
- 4. Nunatsinni tarnip pissusiinik ilisimasallit amerlisarniarlugit ilinniartitaanikkut periarfissanik annertusaanissamut Naalakkersuisut qanoq pilersaaruteqarpat?**
- 5. Nunatsinni innuttaasut tarnip pissusiinik ilisimasalinnit ikiorserneqarsimasut ukiuni kingullerni tallimani qanoq amerlatiginersut Naalakkersuisut paasissutissiisinnaappat?**
- 6. Nunatsinni innuttaasut tarnip pissusiinik ilisimasalinnit ikiorserneqartariaqartut qanoq sivisutigisumik ikiorserneqarnissaminnut utaqqisarnerat misissorneqarsimava?**
- 7. Tarnip pissusiinik ilisimasallip ataatsip agguaqatigiissillugu suliat qanoq amerlatigisut tigummisarneraat misissorneqarsimava?**
- 8. Nunatsinni tarnip pissusiinik ilisimasallit atugarisaat pillugit nalilersuinerit ingerlanneqarsimappat?**
- 9. Nunatsinni tarnip pissusiinik ilisimasallit atugarisaasa pitsanngorsarnissaanut Naalakkersuisut qanoq suliniuteqarniarpat?**
- 10. Naalakkersuisut tarnip pissusiinik ilisimasallit atugarisaasa pitsanngorsarnissaat pillugit kommuninut suleqatiserinnissimappat?**
- 11. Naalakkersuisut tarnip pissusiinik ilisimasallit pillugit allanik soqutiginarsinnaasunik ilanngussassaqarpat?**

(Inatsisartunut ilaasortaq Aqqa Samuelsen, Inuit Ataqatigiit)

Tungavilersuut:

Nunatsinni tarnip pissusiinik ilisimasalinnik ukiuni makkunani pisariaqartitsinerput annertuvoq. Taamaattumik Nunatsinni tarnip pissusiinik ilisimasalinnik pisariaqartitsinerput qanoq annertutiginersoq erseqqinnerusumik paasisaqarfigerusuppara. Nunatsinni tarnip pissusiinik ilisimasalinnik pisariaqartitsinerput annertoq eqqarsaatigissagaanni Naalakkersuisut pitsanngorsaatissanik qanoq suliniuteqarniarnerat paasissutissiissasut piumasaraara.

Kissaatigivara apeqqutikka ullut suliffiusut qulit qaangiutinnginneranni akineqarnissaat.